



IV 920

Se vas ó San Benitiño
non vaias ó de Carballo
que hai outro máis milagroso
no convento de Sobrado.

IV 959

*San Benitiño do ollo redondo
hei de ir alá miña nai se non morro.
Hei de levar unha bota de viño
máis unha libra de pan pro camiño.*

IV 678

No convento de Sobrado
hai un frade galiñeiro
que canta ó poñer o sol-e
“Churras, churras ó poleiro”.

*San Benitiño do ollo redondo
hei de ir alá miña nai se non morro.
Hei de levar unha bota de viño
máis unha libra de pan pro camiño.*

V 229bis

Cara de leite fervido,
cara de leire coado,
viñéchesme avergonzar-e
ó convento de Sobrado.

*San Benitiño do ollo redondo
hei de ir alá miña nai se non morro.
Hei de levar unha bota de viño
máis unha libra de pan pro camiño.*

IV 446b

En Sobrado hai boas mozas,
en Codesos a flor delas,
en Roade e Combraus
carabillas pa cancelas.

*San Benitiño do ollo redondo
hei de ir alá miña nai se non morro.
Hei de levar unha bota de viño
máis unha libra de pan pro camiño.*

IV 429b

As mociñas de Roade,
non é unha que son todas,
poñen dous pares de medias
pa poñelas pernas ghordas.



*San Benitiño do ollo redondo
bei de ir alá miña nai se non morro.
Hei de levar unha bota de viño
máis unha libra de pan pro camiño.*

IV 439a

As mociñas de Roade
son pequenas e redondas
subidas ao campanario
explotan parecen bombas.

*San Benitiño do ollo redondo
bei de ir alá miña nai se non morro.
Hei de levar unha bota de viño
máis unha libra de pan pro camiño.*